

欽定四庫全書

子部

普濟方卷二百五十五



南京中医药大学图书馆版权所有

詳校官太醫院院使_臣張肇基

編修_臣倉聖脈覆勘

華溪方卷二

周王朱櫛撰



卒死



所謂三虛者謂乘年之
和三人有三虛而為
氣阻隔於外二氣壅閉

故者然如死也
則神機化滅升降息則

氣立孤危蓋謂是也若臟腑氣未竭者良久乃蘇然亦有狹鬼神之氣而卒者皆有鬼邪退乃活也凡中惡及卒忤卒然氣絕其後得蘇若有其邪氣不盡者即停滯心腹令人腹痛或身體沉重不能飲食而成宿疾而變成症也

甲乙經云得三虛者乘年之衰逢月之空失時之和因為賊風所傷也得三實者逢月之滿得

時之和值有年之盛遇賊風邪氣不能傷也

方

五神返魂丹

出聖惠方

治卒死但有微氣心上稍暖者

朱砂兩半牛黃兩半安息香兩半砒霜兩半大蜘蛛五枚重

袋內盛通
風勿死

右先研四味方入蜘蛛又研勻令用不蛀皂莢三寸
去黑皮以水三合按汁便入粟米飯煮令水盡和丸
如梧桐子大如中惡卒死及急風者但有微氣以新
汲水研下一丸如昏迷加一丸立活無疾常服一丸
至老無病

治男子婦人小兒忽然行坐地死去

右用銅鑼金鼓衆人亂叫不以時自張口眼以熱湯水灌之即認得人咲也必安

南嶽紫虛魏元君起死廻生散

出聖惠方

凡卒死者皆因一

時閉氣不通原非病久命絕不救則枉死當以此藥治之

右用半夏一味無製度為細末以竹筒蘆筒鴉翎管向吹入兩鼻死半日心頭尚溫不過三四次或噴嚏或吐痰涎但元氣一通即回生矣百發百中真仙家

方也所謂卒死者中風死痰厥死氣死產死打死溺
水死自縊死中暑死諸癇死咽喉死乳驚死心暴痛
死小腸氣死魘死腳氣死跌死驚嚇死墻壓死鬼魅
迷死絞腸沙死凍死針灸死受杖死失血死椒閉死
酒醉死頭暈死烟搶淘井死諸毒虫傷悶亂死凡人
居家或出路須以此藥隨身骨骸者亦可以吹之刺
噴嚏而出兼治六畜雖非人亦物命也一方云昔時
有人忽遇一異人過身雪白自云吾即救人之藥凡

遇人非命已死無氣吾能生之吾即半夏也可用吾
身為末以竹筒吹之入鼻中良久即甦後用果驗

治卒死無脉無化形候陰陽俱竭故也

出千金方

右以牽牛臨鼻上二百息牛舐必差牛不肯舐着以
鹽汁塗面上牛即肯舐

又方

出千金方

治卒死及四肢不收失便者

右用牛馬屎絞取汁飲之無新者水和乾者亦得按
肘後方云乾者以水溺解之此扁鵲法一方用馬屎

屎一升水三斗煮取二斗洗足又取牛洞狝糞和以一升溫酒灌口中炙心下一寸臍上三寸臍下四寸各一百壯差

又方出聖惠方扁鵲云治忤有救卒符並服鹽湯法恐非當

世所能故不載而此病在人所謂卒死與中惡鬼擊相類為治參取而用之已死者可治

右用搗菖蒲生根絞汁灌之立差一方為末吹入鼻中又末內舌下尸厥之病雖死脉猶動聽耳中如有

金匱要略卷之四
微語聲股間暖是也

治卒死壯熱者

出聖惠方

右用礬石半斤水一斗半煮礬石消以浸脚及踝即

蘇

救卒死或先病或常居寢奄忽而絕皆是中惡

出聖惠方

右割一雄鷄冠取血塗其口乾後復塗并以此灰營

死人一周一方塗喉中又吹喉中亦可塗其面吹鼻

孔中妙

治卒死而目閉者及救死或先病或常居寢卧奄忽而絕皆是中惡

右騎一牛臨其面搥薤汁灌耳中又末皂莢吹入鼻中妙一方韭汁灌鼻中

南嶽夫人方

出聖惠方

治卒死

右用搥女青屑一錢安喉中以水或酒下立活亦可

用醋下

葱刺耳方

出聖惠方

右以葱管刺耳中鼻中血出者勿怪無血則難療有血者是活候也其欲蘇時當捧兩手莫放之須臾則死人自當舉手撈人言痛乃止男刺左鼻孔女刺右鼻孔令入七寸餘此方大良立效亦療自縊死

療卒死而有脉形候陰氣先盡陽氣後竭故也

右用嚼薤脯灌之

追魂湯出方三治卒厥暴死及主客忤鬼擊飛尸奄忽氣

絕不覺口噤

麻黃

去節

杏仁

去皮尖二

甘草

炙一兩

右為剉散每服四錢水一盞半煎七分去滓灌之通
治諸感忤或口噤不開去齒下湯湯入口活不下分
病人髮左右捉搦肩引之藥下漸蘇令服盡取效干
金方有桂心二兩金匱云寸脉沉大而滑沉則為實
滑則為氣實相搏血氣入臟則死入胃則愈若卒厥
唇口青身冷為入臟即死身和汗出則愈

治中熱死

出傳信
適用方

右以水頭巾湯浸洗汁服

救卒死亦治中惡

出金匱方

右用鷄肝及血塗面上以灰圍四旁立起

治忤打死心猶暖宜用虬法

出聖惠方

右取葱白內於下部中及鼻中須臾即活

又方

出聖惠方

右截狔尾取血灌之并縛狔以枕之死人須臾活矣

又方

出聖惠方

右用小便灌其面數即能迴語此是扁鵲法

治烟薰迷悶欲死者

右以蘿蔔汁灌立活乾則水搗亦可

又方

出千金方

右以炙熨斗兩脇下解急方云又治尸厥

治疫死者

出本草

右用反魂香燒之死者聞香再活○按漢書武帝時

西域國進反魂香云聚屈洞中上有反魂樹採其根

置於釜中以水煮候成汁方去滓重火煉之如漆候其凝則香成也

治忤死

出本草

右先以衣三重藉忤死人腹上乃取調器若瓦器盛以熱湯着衣上湯冷者去衣大冷者換湯即愈

治卒暴亡未移時者

出本草

右取臘月雄狐膽溫水微研灌入喉即活常須預備此救人移時即無及矣

起卒死救生丹

華佗中藏經方

大黃

半兩濕紙煨

膩粉

半兩

朱砂

一分

雄黃

一分

巴豆

七個去皮去油

右用鯢魚膽汁圓雞頭大用童子小便下一丸擗開

口灌之內大慈尾一寸許入鼻中如人行五七里當

吐涎即活

治睡死者

用蠱實根一握水絞取汁稍嚥之口噤灌之

蠱實即馬

蘭也